

## فرزانه آدينا فولكلور سمپوزيومونون بيرينچى اوتورومو كنجيريلدى

فرزانه آدينا فولكلور سمپوزيومو بوگون 1384/10/29 - و آخشام ساعات 5-ده باشلاندى. بو سمپوزيوم آپاق درنگى و ديپماچ درگى سىنين امكداشلىقى ايله قورولموشدور. مراسيم باشلانيشيندا سمپوزيومون آذربايجان فرزانه سىنين دونياسىنى دئيشمه سینه گۆره اونون حۆرمته گۆره مراسيمده ايشتراكچيلار بير دقيه سوکوت ائتدیلر.

سمپوزيومون بيرينچى اوتورومو عليرضا صرافى و ناصر منظورى جنابلارنين يۇنه تيچيلیگی ايله باشلانيب. آخشام ساعات 8-ه قدر داوام ائتدی.

بيرينچى اوتورومدا اسماعيل مددی، جمال آيرملو، بهروز ايمانى، محمد عطار نصرتى، رحيم شوانلى و ثريا بخشى اۆز معروضه لرينى اوخودولار.

سونوندا نيگار خانيم خياوى فرزانه حاقيندا سؤيله ديگی شعرى اوخودو و نهايت حسن آغا دميرچى موسيقى قورويو ايله اوستاد فرزانين خاطيره سینه حزين بير كسمه شيكسته هاواسىنى داغالانديرديلار.

بو سمپوزيومون ايکينچى و اوچونجو بۆلوملری جمعه گونو 1384/10/30- سحر چاغى (9:30-دان 12-ه قده) و ناهار دان سونرا (16-دان 19-ه قده) كنجيريله جک.









رئپورتازى حاضيرلايان:

آبتان دۇنمز

[Aytan\\_donmaz@yahoo.com](mailto:Aytan_donmaz@yahoo.com)